

**TAGABAWA – “Where is your home?”**

# ÁNDA TÔ ÁKNIKÓ GÓDDÓAN ?

Karapungan áknita duwán balé ó lugar na ánggadanan ta góddóan. Mému ni ánnà madigár ka tandingán katô duma asal dutun áknita madigár dán ni. Na agad ánda tô ágsadunan ta ágsaké, marag ki malyag muli tun ta áknita sarili góddóan. Tô duma mga lugar na áknita igsadunan duwán tuu pa madigár mga góddóan asta ipánnù ka mga gamit ó impán asal ánnà ni áknita, na tô áknita sarili góddóan inalayun ginggat na ágpóli áknita. Duwán iring kani na inalayun iring na ginggat áknita na áskita tô sábbad tigatun asta ni gulit katô kabánnalan asta riyun ta na áskita gó tô bánnal tigatun.

## ÁSKITA ÁGRÓGGUN DÁD KANNUN

Tô kagi ka Manama gulit áknita na iring ki na ágróggun dád nit mga banuwa na góddóan ta, asta isóddóran ta na ánnà gó nit banuwa tô góddóan na ánda ágtamanán (1 Pedro 2:11, Hebreo 11:13). Tô áknita góddóan kannun agad tuu pa masarig é kému, ni ágróggunan dád, ni di madugé tô sumbál asta labat tumigkané kadattan asta tô atáp kabóbbówan. Na ka dumáppát é mabákkár karamag magábbà tô mga sállat asta mga bintanà na di madugé lumagénut marugnas sippang mapilé. Ánda agad ándin igpatindág kannun ta bówwó ka tanà na di kadattan. Tô langun duwán dád ágsippangán. Sállág ka palibut kakitaan nu tô mga pató na ánda gó nit banuwa ná sumippang tun ta ánda ágtamanán tô langun lumabé dád agad tô áknita mga sarili góddóan.

## TÔ TAGSABBADÉ DUWÁN INALAYUN GÓDDÓAN

Tagsábbadé áknita agad ikasóddór ki ó ánda, duwán bánnal na ánda ágtamanán góddóan. Ni gó tô góddóan na sadunan ta, atin ka tô áknita kantayan nit bówwó ka tanà dumunggù dán tun ta kapángngaan. Na tô áknita lawa lábbángngán dán, tô áknita gimukud madun tun ta kandan góddóan na dutun dán sikandan móddô sippang tun ta ánda ágtamanán. Tô sábbad lugar na igulit áknita nigó tô linó ka apuy na asupre. “Si Maibuyan na iglimbung kandan dabuán tun ta linó



ka apuy asta asupre na taganà igdabuan katô magani mannanap asta katô ánnà bánnal propeta din. Asta katô langun manubù na ándà kitayi tô ngadan dan tun ta libro ka kantayan. Supakan dan dutun sippang ka ándà ágtamanán” (Igpakita 20:10-15). Ni ta subra kénit katô linó ka apuy duwán gó mullaó na patabangtabang asta kumurigát é mga ngipán; makamamáddang bónnóng katô mga pakaid asta tô górómmóróm ó karakak katô grupu i Maibuyan nigó tô ágdugang ágbággé katô kasakit na riyun katô langun. Ándà dán gó makatabang kandan, tô dád man kandan pagrakkád ó pagsisi ka malónód dád pád tô mga iglabé timpu, atin ka igpaminág dan dád pád madigár katô kagi i Jesu Kristo, ánnà pád ni é ikadunggù kandan. Ni ágsundayup linó ka apuy, nigó tô lugar katô kasakit, ni tô lugar ánggadanan impiyerno”. Nigó tô óddóan na lugar katô mga di ágpampamaké na igpadannan katô mga kagi ka Manama. Mà katô kagi ka Manama,” Tô langun manubù ikasalà. Ándà gó palang manubù na ikatuman katô kakalyag ka Manama”. (Roma 3:23). Ni gó tô óddóan katô mga áglayuk katô ánnà kandan sawa ó duma, maripà tô ágpanámdámman asta áglumun dan, tô mga malóggód áglumu ka madat, tô mga ágpangadap katô ágmanaman, tô mga ágbarang, tô mga magani, tô mga ágpamatayé, tô mga ágpasa-assaé, tô mga ágkasabuan, tô mga ágkalasing, tô mga tukukán, tô mga talón, tô mga taramaté, tô mga ágtimbaluy, tô mga bulalón, tô mga di ágpanayun ka kasarig, tô mga masalàsalà, tô mga sunnud ágginawa ka salapi, tô mga gingà, tô mga lággáddán, tô mga marag ágkasókó, tô mga agad ándin tô kakalyag dan ágtumanán dan, asta katô sunnud ágginawa kani banuwa asta katô mga impán nit banuwa. (Gal. 5:19-21; Igpakita 21:8). Ni gó tô lugar katô langun manubù na ándà tanggap ki Jesus na kandan Taratábbus, asta tô kandan mga salà ándà kórasi katô Dipanug i Kristo. “Yakó yu áglimbungi tô ákniyu sarili, su ándà gó manubù na makalimbung katô Manama. Sulian kó tingód katô linumuwan yu, agad ándin tô ágparámmasán katô manubù, tô gó pagsik tô káttun din! (Gal. 6:7). Su ka ándin tô igpamula ta na iglumu ta salà asta tô kébág ka ákkud ó kakalyag katô lawa ta, tô gó tô káttun ta dutun ta impiyerno.

Panámdám ka dógó asta nángngà kasóddóran nu ka manan katô masalà-salà ka madun kani lugar ni, su ándà dan tanggap katô Taratábbus na si Jesus. Tô masalà-salà ágtubang katô kamatayan, tô kandin lawa ipánnuan ka kasakit asta tô kandin gimukud ipánnuan ka máddang katô kamatayan. Tô kamatayan ágdunggù tun ta uras na ándà nu kasóddóri. Tô langun kadayawan katô lawa asta tô paglumu ka salà ipángnga dán, na kailangan kasóddóran ta na “Tô tandan na matanggap katô mga áglumu ka salà tô kamatayan” (Roma 6:23). Tô makamáddang linó ka apuy tô gó tô gangat katô kandin gimukud asta espiritu, malyag sikandin dumasal asal tapuri dán. Agad tô langun na kandin ágginawaan, iring na górómmóróm dán kandin. Na, ágtigkané dán áskandin ágpanámdám na “Makamáddang gó ka tô manté Manama tô sumupak.” (Hebreo 10:31). Gimán pa sikandin na kapiyaan tô langun ébô makalónód tun ta Manama, asal tapuri dán tô langun. Mararan mga manubù tô tigkarun dád ágpangkamaté na ándà ikatawar katô Manama. Purisu igkagiyan ki na pamasakán ta tô Manama róggun kakitaan ta pa (Isa. 55:6). Imbis makadinág katô makadayó kagi katô Manama, ni ágkamatématé masalà-salà na igpadannan katô tabang asta ginawa ka Manama dutun ta kallayatan katô kandin kantayan, na áknganni, duminág dán sikandin katô kagi katô Tararuud, tô Taratábbus na kandin igpadannan, na igkagi “Iwà kó tikud dini kanak. Sadun kó tun ta apuy na di gó mapadáng ka ándà ágtamanán, su tô gó tô igtaganà ka Manama ébô duwán antugan din ki Maibuyan asta langun panaligan din” (Mateo 25:41). “Kailangan makasábbad dád maté tô manubù, asta pángnga ka maté, ruudan katô Manama” (Hebreo 9:27).

### **NIGÓ SALLAGGÁN TA TÔ MADIGAR GÓDDÓAN**


Ni ta góddóan ni “Ándà dán dukilám dutun. Purisu di dan dán ágkailanganán tô mga sulù ó tô séllaán ka álló dutun, su tô Áglangngagán na Manama tô ágsélla kandan.” (Igpakita 22:5). “Mà katô kagi ka Manama na igsulat “Ándà gó manubù na ikakita, ikadinág, ó ikapanámdám katô mga igtaganà katô Manama para katô mga ágginawa kandin.” (1 Cor. 2:9). Ándà kinagiyan nit banuwa na sábbad makólit katô kadappanan katô langit, ni tuu makasalábbù na madappan. Ni gó tô góddóan katô mga igtábbus. Ándà gó palang na masalà-salà na makahu dutun, asta “di makahu

tô mga maripà asta tô mga áglumu ka madat ó ágbulaló. Asal tô mga manubù na isulat tô ngadan dan tun ta libro ka kantayan, tô dád gó é makahu” (Igpakita 21:27). Dì nu mému bállin ni góddóan ni ukit ka salapì ó ukit katô madigár lumu. Dì ka pagsik mému makasadun dutun ássa dád kani sábbad kapókit, bággé nu tô áknikó kantayan tun ki Jesus asta tanggap nu sikandin na áknikó Áglangngagán asta Taratábbus. Ikgagi si Jesus na mà din “Sakán gó tô dalan. Sakán tô kabánnalan. Sakán tô ágtikudan katô kantayan. Ándà manubù na makasadun tun ta Ámmà ku ka dì mukit kanak” (Juan 14:6). Si Jesus igulit áknita dutun ta Juan 14:2 tingód katô góddóan na kandin ágtaganaán, asal ni góddóan ni para dád katô mga manubù na igbággé katô kandan kantayan tun ki Kristo na igpasinsiyaan dán é kandan mga salà. Karapungan ka manubù ágbánnal na tô madigár lumu tô makatábbus kandan na ni igsuwé katô igkagi tun ta Biblia. Tô ágkailanganán tô pusung ta bánnal gó malinis, asta móddô ki madigár na dì ágtákkás katô kadayawan ó kadigárran nit banuwa.

Ikitaan ta, na áskita langun masalà-salà tun ta tubang katô Manama, asta áskita langun pasadun tun ta impiyerno. “Asal atin ka ulitán ta tun ta Manama na bánnal iglumu ki ka salà, pasinsiyaan din tô mga salà ta asta linisan ki ikandin tikud tun ta langun ka madat mga lumu ta, su ágkasarigan sikandin asta nángngà tô áglumun din (1 Juan 1:9). Ikgagi si Jesus, na mà din, “Sakán tô ganté ka mga inaté. Sakán tô ágbággé ka kantayan. Agad maté tô manubù na igpamaké kanak, asal manté puman sikandin. Atin ka mamaké kanak tô manubù na manté pa, dì gó sikandin dungguan ka kamatayan.” (Juan 11:25,26). “Paminág yu ni kagin ku ákniyu. Tô manubù na ágpaminág ka kagi ku, asta ágbánnal katô Ámmà ku na igpapid kanak, duwán kantayan din na ándà ágtamanán. Dì sikandin ágkaruudan su ikaluwà dán sikandin tikud tun ta kamatayan, asta duwán dán kantayan din na ándà ágtamanán” (Juan 5:24). Tô kamáddang katô kamatayan ni ándà tun ta ágpampamaké. “Andaán ka Manama tô kamatayan su talun din tô langun-langun!” “Matalu gó tô kamatayan, asta dì gó makadadat”. “Asal pasalamat ki katô Manama, su ukit katô iglumu katô Áglangngagán ta na si Jesu-Kristo, duwán dán, kapanaluwan ta kani langun” (1 Cor. 15:54-57). Tô manubù na góddô дума katô Manama dì ágkamáddangan na maté. atin ka dumunggù tô uras katô kamatayan duwán dayó katô áknita pusung iring katô igkagi i Apostol Pablo, “Ilibug tô panámdám ku su kakalyag ku na tananan ku ni banuwa su tuu pa madigár ka dumuma a ki Kristo (Filipos 1:23). Su tô bánnal ágpamaké tuu malyag makakita katô báttuk i Jesus na inaté tun ta krus para kandin. Asta tô Ugis Espiritu ágpapanámdám pagsik kandin katô igkagi i Jesus, na mà din, “Yakó ágkasasó. Pamaké kó katô Manama. Pamaké kó pagsik kanak. Marapung tô mga góddóan tun ta balé katô Ámmà ku. Atin ka ánnà bánnal ni, diya pád mulit ákniyu. Asal madunna ébô taganaán ku tô lugar para ákniyu. Pángnga ka kataganà ku katô lugar para ákniyu, lumónódda puman dini, asta patákkássán ku sikiyu ébô móddô kó tun kandin.” (Juan 14:1-4).

Na, manámdám ki pa dógó asta sállággán ta pamánnun katô ágpamaké pasadun tun ta kandin sarili góddóan. Na imbis tô makamáddang kamatayan, tô panaligan na ágsuguánnán katô Manama tô kitanán din na gangat kandin na mid katô kandin gimukud asta espiritu na lumónód tun ta Manama. Ni tô uras na tô gimukud asta tô espiritu ágluwà tikud ta ágkaróddóg lawa, ni pasadun tun ta ipókéan sállat katô langit dutun ta bállad katô sábbad inaté para kandin na áknita Áglangngagán. Sunnud dakál dayó tô gangat na ágpahu kandin dutun ta prisinsya katô kandin Áglangngagán asta igkagi, na mà din, “Madigár tô iglumu nu. Madigár ka manubù asta ágkasarigan ka. Kadayawan ka iring katô dayó ku (Mateo 25:21). Ándà dán mému i Maibuyan kandin, na “Agad maté tô mga ágpamaké katô Áglangngagán, asal kadayawan dan” “Kadayawan dan gó sumódô dan katô lumu dan, asta makapaginawa dan dán, su duwán madigár bággén kandan tingód katô madigár linumuwan dan!” (Igpakita 14:13). Mému lumun nu nigo tô iring katô sábbad batà na igulà-ulà katô kandin salapì na igpadiyù katô kandin góddóan asta isóddóran din tô ánnà nángngà na kandin iglumu ukit katô kahirapan na kandin isugsugan asta tô kandin nángngà lumun, igkagi sikandin na mà din; “Mulì a tun ta ámmà ku, “asta kumagiya kandin, Ámmà, duwán salà na iglumu ku tun ta Manama asta diyan áknikó” (Lukas 15:18). Bággé nu nigó

tô áknikó kantayan tun ki Jesus, asta rákkáddi nu tô áknikó mga salà. Palinis ka ó pógis ka ukit katô kandin mahal Dipanug asta tanggap nu tô kandin pagpasinsiya áknikó. Ukit kani bánnal madunggù nud tô bánnal pasadunan katô áknikó kantayan tun ta langit, nigó tô áknikó ÁNDÀ ÁGTAMANÁN GÓDDÓAN.



The popular “Heart Book” with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**  
**ALL NATIONS GOSPEL PUBLISHERS**  
**P.O. Box 2191, PRETORIA, 0001, R.S.A.**  
(A Gospel Literature Mission financed by donations)  
(Reg. No. 1961/001798/08)